

# Xaiv tsev kawm ntawv



3 kauj ruam uas yuav pab koj  
xaiv lub tsev kawm ntawv kom  
zoo rau koj tsev neeg

1


Txheeb xyuas  
kev xaiv

2


Mus ncig saib  
cov tsev kawm  
ntawv

3


Mus sau npe  
kawm



©2016 Copyright. All Rights Reserved. Hiawatha Academies. Photos by Joe Dickie, Big World Films.



# Xaiv tsev kawm ntawv



## Txheeb xyuas kev xaiv

Kawm txog txoj kev sib txawv ntawm cov tsev kawm ntawv

### 1 Tsev kawm ntawv District

Hom tsev kawm ntawv raug tswj hwm los ntawm Minneapolis Public Schools uas qhia ntawv pub dawb rau pej xeem. Feem ntau hom tsev kawm no yeej qhib rau txhua tus me nyuam tuaj sau npe kawm, tiam sis qee zaus tej lub tsev kawm ntawv muaj kev txwv nyob rau koj cheeb tsam nyob. Ib txhia tsev kawm ntawv district yog magnet, txhais hais tias lawv txoj kev qhia ntawv thiab lub ntsiab ntawm txoj kev kawm yuav txawv me ntsis.

### 2 Tsev kawm ntawv Charter

Hom tsev kawm ntawv uas qhia ntawv pub dawb rau pej xeem. Hom tsev kawm ntawv no raug tswj hwm los ntawm cov txwj laug rau phab non-profit (koom haum uas tsis noj nyiaj los ntawm pej xeem) thiab Charter School Authorizer (ib lub khoom haus uas tsis noj nyiaj los ntawm pej xeem) uas tau kev tso cai los ntawm Minnesota Department of Education (MDE). Txoj kev sau npe kawm ntawv qib rau txhua tus me nyuam kawm ntawv, tiam sis txhua lub tsev kawm nyias muaj nyias daim ntawv thiab txoj cai sau npe kawm ntawv

### 3 Tsev kawm ntawv Independent

Hom tsev kawm ntawv uas lawv ua lawv tswv, thiab yus yuav tau them nqi kawm (tsis qhia pub dawb rau pej xeem). Hom tsev kawm ntawv no raug tswj hwm los ntawm cov txwj laug rau phab non-profit. Lawv kom yus them nqi kawm ntawv (tiam sis feem ntau muaj kev pab nyiaj rau cov tsev neeg txom nyem), thiab cov me nyuam kawm yuav tsum sau npe raws li lawv txoj cai thiab raug txais mus kawm.



## Yam dab tsi tseem ceeb tshaj rau koj?

Sau ib daim ntawv uas teej tej yam uas tseem ceeb txog tsev kawm ntawv rau koj thiab koj tus me nyuam. Puas muaj tej yam kev pab cuam uas koj xav kom lub tsev kawm ntawv muaj rau koj tus me nyuam? Puas muaj lwm hom lus uas koj xav kom lub tsev kawm ntawv muaj qhia rau koj tus me nyuam kawm?


Tej zaum koj yuav nrhiav tsis tau ib lub tsev kawm ntawv uas muaj txhua yam raws li koj siab ntshaw, tiam sis nrhiav cov tsev kawm ntawv uas muaj feem ntau ntawm yam uas koj ntshaw yog ib kauj ruam uas yuav pab tau koj nrhiav lub tsev kawm ntawv uas haum rau koj tus me nyuam.

Yuav kom pab tau koj, peb tsim tau ib cov ntaub ntawv rau txhua lub tsev kawm ntawv nyob rau hauv lub nroog Minneapolis - xws li lub tsev kawm ntawv qhov chaw nyob, xov tooj, tej yam zoo zoo txog lub tsev kawm, lub tsev kawm txoj kev qhia ntawv zoo li cas, thiab muaj pes tsawg hom neeg tuaj lwm qhov tuaj kawm.

Nyeem thiab saib cov ntaub ntawv ntawm cov tsev kawm ntawv. Koj yuav tsum xaiv 3 mus rau 5 lub tsev kawm ntawv uas haum koj siab. Yog cov no yog cov tsev kawm uas koj nyiam, mus saib lub tsev kawm ntawv qhov website kom paub meej ntxiv.

## Xav txog cov nram qab no....

*Saib cov ntaub ntawv ntawm cov tsev kawm ntawv, hu rau cov tsev kawm ntawv thiab mus saib lawv qhov website kom paub meej ntxiv*



### Ntsuam xyuas kev kawm ntawv thiab demographics

Minnesota academic standards raug tsim los ntsuam xyuas seb lub tsev kawm ntawv puas npaj cov me nyuam kom kawm tau mus rau qib siab thiab nrhiav tau hauj lwm zoo. Cov ntaub ntawv txog lub tsev kawm ntawv - xws li cov grades, cov kawm ntawv tiav muaj puas coob, txoj kev qhia ntawv puas zoo - yuav pab tau koj txiav txim siab seb lub tsev kawm ntawv twg thiaj qhia tau ntawv zoo thiab thaum muab piv rau lwm lub tsev kawm ntawv nyob rau hauv nroog Minneapolis thiab xeev Minnesota no ho zoo li cas

### Kab lig kev cai thiab kev nyab xeeb hauv lub tsev kawm ntawv

Kawm kom koj paub txog lub tsev kawm ntawv lub hom phiaj. Lawv txoj kev ntseeg thiab kev xav rau koj tus me nyuam yog dab tsi, thiab dab tsi txog koj tus me nyuam txoj kev kawm ntawv thiaj li tseem ceeb rau lawv? Lawv yuav qhia li cas thiaj li qhia tau zoo tshaj plaws rau koj tus me nyuam? Txhua txhua lub tsev kawm ntawv tsis zoo sib xws. Muaj ib hom tsev kawm ntawv hu ua Alternative school siv ib tug qauv txawv los qhia ntawv rau cov me nyuam kawm ntawv tsis tshua tau zoo raws li lub xeev Minnesota's Graduation Incentives Program law.

### Chav kawm ntawv thiab cov kev pab cuam

Koj tus me nyuam kawm ntawv tau zoo li cas thiab lub tsev kawm ntawv yuav nrhiav kev txhawb nqa li cas los pab koj tus me nyuam txoj kev kawm? Lawv cov txheej txheem puas haum tej yam uas koj tus me nyuam nyiam, koj tus me nyuam txoj kev ntshaw, thiab nws li kab lig kev cai?

### Sij hawm kawm ntawv thiab lub tsheb npav thauj me nyuam

Txhua txhua lub tsev kawm ntawv lub sij hawm qhib, cov txheej txheem ua ntej thiab tom qab tsev kawm ntawv piib, thiab lub tsheb npav thauj me nyuam mus los tsis zoo sib xws. Hu mus rau lub tsev kawm ntawv kom paub meej ntxiv hais tias lub tsev kawm ntawv puas haum rau koj tsev neeg.

# Xaiv tsev kawm ntawv



## Mus ncig saib cov tsev kawm ntawv

Hu rau lub tsev kawm ntawv uas koj nyiam thiab teem ib lub sij hawm mus ncig saib lub tsev kawm ntawv.

Thaum koj mus ncig saib lub tsev kawm ntawv, npaj lus nug kom ntau. Tom qab ntawd, saib txhua yam uas koj tau kawm kom meej ua ntej koj txiav txim seb lub tsev kawm ntawv twg thiab haum rau koj tsev neeg.

### **Kev pab rau cov niam txiv, los ntawm cov niam txiv:**

Ib cov lus nug thaum mus ncig saib cov tsev kawm ntawv

#### **1 Nej lub tsev kawm ntawv no muaj kev pab li cas kom haum rau kuv tus me nyuam txoj kev kawm?**

Cov tsev kawm ntawv zoo yuav qhia ntawv nyuaj zog rau koj tus me nyuam tiam sis kuj yuav muaj kev pab rau koj tus me nyuam kom haum nws txoj kev kawm thiab. Txhua txhua tus me nyuam txoj kev kawm ntawv nws zoo tsis sib xws. Koj thiab koj tus me nyuam xav kom lub tsev kawm ntawv muaj kev pab dab tsi nyob rau hauv lub tsev kawm? Cov txheej txheem uas lub tsev kawm ntawv qhia puas haum rau koj tus me nyuam txoj kev ntshaw?

#### **2 Nej lub tsev kawm ntawv no yuav npaj cov tub ntxhais kawm kom mus kawm tiav qib siab, nrhiav hauj lwm zoo, thiab npaj lawv lub neej rau yav tom ntej li cas?**

Txhua txhua lub tsev kawm lub peev xwm qhia kom cov tub ntxhais txawj nyeem ntawv, txawj ua lej, txawj xav, npaj lawv mus kawm qib siab thiab nrhiav kom tau hauj lwm zoo tsis zoo sib xws. Lub tsev kawm ntawv siv hom ntaub ntawv dab tsi los saib lawv tus kheej tias lawv qhia tau ntawv zoo npaum li cas? Lub tsev kawm ntawv puas muaj kev pab cuam rau koj tus me nyuam mus ncig saib cov tsev kawm ntawv qib siab thiab puas muaj kev pab cuam rau txoj kev nrhiav hauj lwm tom qab koj tus me nyuam kawm tiav?



**3 Lub tsev kawm ntawv yuav ua li cas thiaj li txuas tau txoj kev nkag siab txog kuv tus me nyuam tej kab lig kev cai, cev nqaij daim tawv, thiab peb haiv neeg?**

Txhua lub tsev kawm ntawv txoj kev nkag siab thiab hwm cov me nyuam kawm ntawv nws tsis zoo sib xws. Nyob ntawm koj ua niam ua txiv, koj muaj feem nug thiab nrhiav kev pab rau koj tus me nyuam kom nws paub thiab txawj hwm lwm haiv li kab lig kev cai nyob rau hauv lub tsev kawm ntawv.

**4 Cov xib fwb twb qhia ntawv hauv lub tsev kawm ntawv no los tau hov ntev lawm? Keeb kwm ntawm lawv txoj kev qhia ntawv yog li cas?**

Ib tug xib fwb lub peev xwm thiab txoj kev qhia ntawv zoo yog lub zog ntawm ib lub tsev kawm ntawv zoo. Cov xib fwb hauv lub tsev kawm ntawv puas muaj kev sib raug zoo nrog lub tsev kawm, nrog cov tub ntxhais kawm, thiab nrog cov niam txiv? Txoj kev qhuab qhia thiab txhawb nqa los ntawm ib tug xib fwb yuav pab tus me nyuam kom nws kawm tau zoo.

**5 Lub tsev kawm ntawv no txoj kev qhuab qhia txog me nyuam txhoj pua thiab tsis mloog lus yog li cas? Nej puas muaj ntau tus me nyuam uas raug tshem tawm hauv tsev kawm ntawv?**


Nej qhuab qhia cov me nyuam uas tsis mloog lus li cas? Leej twg yog tus tuav txoj hauj lwm no? Thaum me nyuam tsis mloog lus, nej qhia rau niam thiab txiv li cas? Nej puas tau hu rau tub ceev xwm thiab? Yog tau hu lawm, yog vim li cas nej thiaj hu?

**6 Lub tsev kawm ntawv no muaj kev pab cuam li cas rau kuv tus me nyuam?**

Txhua txhua lub tsev kawm muaj ntau yam kev pab cuam rau cov tub ntxhais kawm. Puas muaj kev pab cuam ua ntej thiab tom qab tsev kawm ntawv qhib, thiab puas muaj kis las rau cov me nyuam ua si? Puas muaj kev pab cuam rau koj tus me nyuam mus kawm tau qib siab?

**7 Cov niam txiv yuav koom tes nrog lub tsev kawm ntawv tau li cas?**

Cov xib fwb hu rau thiab nrog cov niam thiab txiv tham heev npaum li cas? Cov xib fwb puas tuaj saib cov niam txiv tom tsev? Cov xib fwb puas hu rau cov niam thiab txiv txog lawv tus me nyuam txoj kev kawm - ua ntej tus me nyuam yuav poob qab? Puas muaj hwm tsam rau cov niam thiab txiv koom tes nrog rau lub tsev kawm ntawv txoj kev txiav txim thiab kev xaiv? Lub tsev kawm ntawv puas muaj kev pab rau yus tsev neeg?



# Xaiv tsev kawm ntawv



## Mus sau npe kawm

Cwj koj tus kheej nrog cov txheej txheem thiab kev cai hauv cov tsev kawm ntawv uas koj nyiam

Koj yuav tsum xaiv 3 mus rau 5 lub tsev kawm ntawv uas haum koj siab vim cov tsev kawm ntawv yuav tsis muaj chaw txhaus txhais txhua tus me nyuam kawm ntawv.

Muab sij hawm kom txaus rau koj tus kheej los ua cov ntaub ntawv kom tiav vim txhua lub tsev kawm ntawv cov ntaub ntawv tsis zoo sib xwb.

Cov tsev kawm ntawv District siv tib co ntaub ntawv rau me nyuam sau npe kawm.


Cov tsev kawm ntawv Charter thiab Independent nyias siv nyias ib hom ntaub ntawv thiab kev cai los sau npe kawm. (Qhov no txhais tau hais tias koj yuav tsum tau sau npe raws li lub tsev kawm ntawv txoj cai thiab lub tsev kawm ntawv mam li qhia tuaj rau koj thaum nws txog sij hawm mus ua cov ntaub ntawv kom tiav).

### Tswv yim pab ntxiv...

#### Cov tsev kawm ntawv District

Thaum cov tub ntxhais yuav sau npe kawm ntawv yuav tsum tau siv lub tsev kawm ntawv daim Ntawv Xaiv Tsev Kawm Ntawv (School Request Form)

- Yuav tsum sau npe ib zaug thaum koj tus me nyuam yuav mus kawm kindergaten los sis yuav tsiv mus rau lwm lub tsev kawm ntawv tshiab
- Yuav tsum sau npe ib zaug thaum koj tus me nyuam yuav mus kawm cov tsev kawm ntawv them nruab nrab (qib 6-8) thiab them siab (qib 9-12) uas tsis nyob rau cheeb tsam uas nej nyob.



Txoj kev sau npe kawm ntawv nyob raws li ntawm cov cai hauv 3 qho Attendance ciam ciam Zone thiab 22 qho Attendance ciam ciam Areas. Cov tsev kawm ntawv yuav txais koj tus me nyuam sai los tsis sai nyob ntawm qhov ciam ciam Zone los sis ciam ciam Area uas nej nyob. Cov tsev kawm ntawv District yuav xub txais cov me nyuam uas nyob hauv lawv qhov ciam ciam Area ua ntej, ces mam txais cov me nyuam nyob hauv lawv qhov ciam ciam Zone; thiab tsev kawm ntawv yuav xub xaiv cov me nyuam uas twb muaj kwv tij nus muag kawm lawm. Tej lub tsev kawm ntawv uas yog magnet tsis xaiv me nyuam kawm ntawv los ntawm ciam ciam Area los sis Zone.

Mus saib cov tsev kawm ntawv District daim ntawv sau npe ntawm [schoolrequest.mpls.k12.mn.us/documents/k-8\\_request\\_form\\_english.pdf](https://schoolrequest.mpls.k12.mn.us/documents/k-8_request_form_english.pdf) (qib K-8) thiab [highschoolrequest.mpls.k12.mn.us/documents/hs\\_request\\_form\\_english.pdf](https://highschoolrequest.mpls.k12.mn.us/documents/hs_request_form_english.pdf) (qib 9-12).

Yog xav kom paub meej tshaj no, mus saib [schoolrequest.mpls.k12.mn.us/home](https://schoolrequest.mpls.k12.mn.us/home) (qib K-8) thiab [highschoolrequest.mpls.k12.mn.us/home2](https://highschoolrequest.mpls.k12.mn.us/home2) (qib 9-12). Tsis tas li ntawv, cov ntaub ntawv koj xav tau no yeej muaj nyob rau txhua lub tsev kawm ntawv. Yog xav tau kev pab, hu rau lub Student Placement Center: (612) 668-1840.

## **Tsev kawm ntawv Charter**

Txhua lub tsev kawm ntawv charter nyias muaj nyias cov ntaub ntawv thiab txoj cai sau npe kawm. Yog koj xav tau ib lub tsev kawm ntawv charter daim ntawv xaiv tsev kawm ntawv, mus saib lub tsev kawm ntawv qhov website los sis hu mus rau lawv.

Yog tias lub tsev kawm ntawv txais tau cov ntawv xaiv tsev kawm ntawv ntau tshaj cov me nyuam uas lawv txais tau, lawv yuav muab txhua tus lub npe los rho seb tau leej twg ces tus ntawd tau mus kawm lawv lub tsev kawm ntawv (lawv tsis xaiv me nyuam kawm ntawm los ntawm cheeb tsam chaw nyob).

## **Tsev kawm ntawv Independent**

Txhua lub tsev kawm ntawv independent nyias muaj nyias cov ntaub ntawv xaiv tsev kawm ntawv thiab txoj cai sau npe kawm. Vim lawv ua lawv tswv, lawv txais tub ntxhais kawm ntawv txawv lwm hom tsev kawm ntawv. Qee lub tsev kawm ntawv xav tau koj tus me nyuam cov grades, los sis xav kom koj tus me nyuam mus xam phaj.

Feem ntau cov tsev kawm ntawv independent kom yus them nqi kawm ntawv tiam sis lawv kuj muaj kev pab nyiaj rau qee tus me nyuam kawm. Yog koj xav tau nyiaj pab rau koj tus me nyuam, lawv yuav muaj ntaub ntawv ntxiv rau koj sau. Yog koj xav tau cov ntaub ntawv no, mus saib lub tsev kawm ntawv qhov website, los sis hu mus rau lawv.



# Cov tsev kawm ntawv uas nrhiav tau txoj hau kev los pab qhov kev poob qab tu ncuva kev kawm



Cov tsev kawm ntawv uas peb hu ua “changing-the odds” muaj cov txheej txheem zoo los pab tub ntxhais kawm txog txoj kev poob qab uas tu ncuva thiab caum tsis cuag ncuva kom txhua tus me nyuam thiaj li kawm tau sib nrawg nroos; lawv cov test results qhia tau tias lawv cov txheej txheem qhia tau ntawv zoo. Raws li cov test rests ntawm Minnesota Comprehensive Assessment los sis MCA, cov tub ntxhais kawm ntawv hauv cov tsev kawm ntawv no kawm tau ntawv zoo dua thiab nce qib siab dua lwm cov tub ntxhais kawm los ntawm lwm lub tsev kawm ntawv. Mus nyeem kom paub meej ntxiv txog cov tsev kawm ntawv no ntawm nplooj ntawv 16-21 hauv phau ntawv no.

Tiam sis tsis txhais hais tias txhua txhua tus me nyuam tuaj kawm ntawm cov tsev kawm ntawv no yuav kawm tau zoo tas tus. Cov tsev kawm ntawv ua “changing-the-odds” no yog cov tsev kawm ntawv uas 40% ntawm lawv cov tub ntxhais kawm ntawv los ntawm cov tsev neeg uas txom nyem raws li tsoom fwm federal qhov txheej txheem FRL. Cov tsev kawm ntawv no qhia tau tias lawv muaj kev nkag siab txog cov tsev neeg uas xav tau kev pab ntau tshaj.

MCA yog lub xeev Minnesota phau ntawv xeev uas ntsuam xyuas cov me nyuam txoj kev kawm ntawv nyob rau txhua xyoo. Phau ntawv no muaj 2 txoj kev los ntsuam xyuas txog cov test results: txawj (proficiency) thiab txoj kev loj hlob (growth). Thaum cov me nyuam xeev tau dhau “proficient” txhais tau tias lawv txawj txaus lawm los sis lawv nkag siab cov txheej txheem rau xyoo ntawd. “Growth” ntsuam xyuas seb xyoo no piv rau xyoo dhau los, cov me nyuam kawm tau ntawv zoo npaum li cas ntxiv.

## Noj mov dawb thiab luv nqi

Cov ntaub ntawv ntawm cov tsev kawm ntawv no yuav qhia tias muaj pes tsawg tus me nyuam tau noj mov dawb thiab luv nqi. Qhov no yog tsoom fwm federal txoj kev ntsuam xyuas seb muaj pes tsawg tus me nyuam los ntawm cov tsev neeg uas txom nyem. Cov ntaub ntawv no yuav pab qhia tau rau txhua tus hais tias cov tsev kawm ntawv no qhia tau ntawv zoo npaum li cas rau cov me nyuam uas xav tau kev pab ntau tshaj.





# Cov tsev kawm ntawv nram qab no nyob hauv lub nroog Minneapolis uas

School	Grades	FRL rate	Page #
Anthony Middle School	6-8	42%	77
Bright Water Elementary	PK-6	49%	90
Cristo Rey Jesuit High School	9-12	89%	194
Dowling School	K-5	49%	99
Edison High School	9-12	86%	196
Fair Senior High	9-12	50%	199
Friendship Academy of the Arts	K-6	91%	105
Hennepin Elementary School	K-5	95%	112
Hiawatha College Prep	5-8	94%	114
Hiawatha Community – Howe Campus	3-5	50%	116
Hiawatha Leadership Academy – Morris Park	K-4	92%	117
Hope Academy	K-12	75%	120, 203
KIPP North Star Academy	5-8	92%	127
Lake Nokomis Community School – Keewaydin Campus	3-8	52%	132
Lyndale Community School	PK-5	70%	139
Marcy Open Elementary	K-8	52%	140
New Millennium Academy	K-8	82%	154
Pratt Community School	PK-5	66%	162
Ramsey Middle School	6-8	42%	164
Sanford Middle School	6-8	63%	166
Seward Montessori School	PK-8	54%	168
South High School	9-12	56%	220
Southside Family Charter School	K-8	48%	171
St. Helena Catholic School	PK-8	40%	174
Twin Cities International Elementary School	K-4	95%	180
Ubah Medical Academy	9-12	99%	222
Waite Park Community School	PK-5	55%	183
Washburn High School	9-12	44%	225
Windom Dual Immersion School	PK-5	48%	186

# SCHOOL

# Nyeem lub tsev kawm ntawv cov ntaub ntawv



## South High School

### Basic information:

District school  
**Grades:** 9-12  
**Hours:** 8:20AM-3:10PM  
**Enrollment:** 1,847  
**Tuition:** None

### Contact:

3131 19th Avenue S.  
 Minneapolis, MN 55407

(612) 668-4300  
[south.mpls.k12.mn.us](http://south.mpls.k12.mn.us)

### Highlights

- Offers extracurricular opportunities in athletics, music, theater, and visual arts
- Somali and Spanish bilingual program aides on staff
- Features Advanced Placement courses and post-secondary enrollment options
- Advancement Via Individual Determination (AVID) classes help students succeed in upper level classes and prepare for college



### Academic performance

Math proficiency:	N/A
Reading proficiency:	14%
Growth:	0
5-year grad rate:	87%
Avg. ACT score:	20



Academic rating:  
**HIGH POTENTIAL**

### Demographics

Asian students:	5%
Black students:	36%
Hispanic students:	19%
Native American students:	7%
White students:	33%
FRL rate	56%
Teachers of color:	10%

A

B

C

D

E

F

G



Phau ntawv no muaj cov ntaub ntawv rau txhua lub tsev kawm ntawv nyob rau hauv lub nroog Minneapolis (thiab muaj qee lub tsev kawm ntawv uas nyob ze ib ncig ntawm Minneapolis uas muaj coob tus me nyuam nyob rau hauv Minneapolis mus kawm ntawv). Peb yuav sau tsis tau txhua yam txog ib lub tsev kawm ntawv rau ib nplooj ntawv, tiam sis cov ntaub ntawv uas peb tau tsim los no qhia tau me ntsis tseem ceeb txog ib lub tsev kawm - xws li cov tsev kawm ntawv qhov chaw nyob, xov tooj, tej yam zoo zoo txog lub tsev kawm, lub tsev kawm txoj kev qhia ntawv zoo li cas, thiab muaj pes tsawg hom neeg tuaj lwm qhov tuaj kawm.



Cov ntaub ntawv no yog ib qho chaw los sis ib kauj raum rau koj pib nrhiav lub tsev kawm ntawv kom haum koj tus me nyuam.

### **A** Tej yam zoo txog lub tsev kawm (highlights)

Qhov no qhia txog cov kev zoo thiab kev pab cuam rau cov tub ntxhais kawm. Txhua lub tsev kawm muaj ntau yam kev pab cuam tshaj cov uas peb sau rau hauv phau ntawv no. Hu mus nrog lub tsev kawm ntawv tham kom paub meej ntxiv.

### **B** Cov cim (Icons)

Cov cim qhia seb lub tsev kawm ntawv twg muaj yam twg, xwb li cov tsev kawm ntawv uas muaj lub cim hnuv qub yog cov tsev kawm ntawv “changing-the-odds.” Yog koj xav paub txog cov tsev kawm ntawv no, nco ntsoov nug txog lawv cov kev pab cuam thaum koj mus nrog lub tsev kawm ntawv tham.

### **C** Txawj (proficiency)

MCA ntsum xyuas seb me nyuam kawm tau lej thiab nyeem ntawv tau zoo npaum li cas. Peb lub xeev Minnesota suav tau hais tias ib tug me nyuam kawm tau proficient yog ib tug uas xeev dhau qhov MCA rau xyoo ntawd.

Cov ntaub ntawv ntawm cov tsev kawm ntawv muaj me nyuam cov test result proficient rau lej thiab nyeem ntawv rau xyoo 2016. Piv xam hais tias: yog cov test results lej sau hais tias 62%, txhais hais tias 62 tus me nyuam ntawm 100 tus kawm tau dhau proficient rau xyoo ntawd. Qhov qhab nee yim siab ces txhais hais tias muaj ntau tus me nyuam xeev tau ntawv zoo.

Qhab nee MCA proficiency rau lej rau xyoo 2016:

	Nyeem ntawv	Lej
% ntawm cov tub ntxhais kawm nyob hauv lub xeev Minnesota	60%	60%
% ntawm cov tub ntxhais kawm nyob hauv Minneapolis cov tsev kawm ntawv District	43%	44%

“N/A” yog qhov cim qhia tias peb tsis muaj cov ntaub ntawv los sis tshawb fawb tsis tau rau yam txheej txheem ntawd

# Nyeem lub tsev kawm ntawv cov ntaub ntawv



## D Txoj kev loj hlob (Growth)


Ntsuam xyuas seb xyoo no piv rau xyoo dhau los, cov me nyuam kawm tau ntawv zoo npaum li cas ntxiv lawm. Tsev kawm ntawv xub muab cov test results xyoo no ntawm ib tug me nyuam coj mus piv rau nws cov test results xyoo dhau los. Ces tsev kawm ntawv mam muab cov test results ntawm ib tug me nyuam coj mus piv rau lwm tus me nyuam uas cov test results xyoo dhau los zoo sib xws. Ces tsev kawm ntawv mam muab cov qhab nee ntawm ib lub tsev kawm ntawv coj mus piv rau lwm lub tsev kawm ntawv.

Cov test results 50 yog nruab nraub. Cov test results siab tshaj 50 qhia tau hais tias txoj kev loj hlob ntawm cov tub ntxhais kawm ntawv nce tau zoo tshaj lub tsev kawm ntawv lub hom phiaj. Cov test results qis tshaj 50 qhia tau hais tias txoj kev loj hlob ntawm cov tub ntxhais kawm ntawv nce tsis tau zoo.

## E 5-year graduation rate / ACT score (rau qib 9-12)

Ob txoj kev ntsuam xyuas no tseem ceeb rau cov tub ntxhais kawm ntawv theem siab (qhib 9-12) kom yus thiaj li paub tias lub tsev kawm ntawv npaj cov me nyuam mus rau qib siab thiab nrhiav hauj lwm zoo npaum li cas.

- Qhia txog tus me nyuam kawm ntawv thaum pib txog thaum xaus nyob rau thaj tsam ntawm 5 xyoos
- ACT yog ib daim ntawv xeem ntsuam xyuas tus me nyuam txoj kev npaj mus kawm ntawv qib siab.



Notes

*Tsum yim pab ntxiv:  
nws yog ib qho tseem ceeb uas yuav tsum tau xam pom ob yam test results ntawm proficiency thiab growth ua ke - txamm tias qhov test results proficiency qis qis los qhov test results growth yuav pab hom koj pom*

## **F** Ntsuam xyuas kev kawm ntawv

Cov ntaub ntawv rau cov tsev kawm ntawv no muaj ntaub ntawv txog me nyuam cov proficient thiab growth scores, thiab cov ACT scores rau cov me nyuam kawm ntawv theem siab (qib 9-10).

Cov tsev kawm ntawv uas muaj ntaub ntawv txaus rau peb ntsuam xyuas yuav tau txais 4 nqe kev kuaj: High Performing, High Potential, Mid Performing, or Low Performing. Cov nqe kev kuaj no siv ntaub ntawv thiab cov MCA test results ntawm 3 lub xyoo coj los ntsuam xyuas proficiency thiab growth raws li nram qab no:

Academic rating:  
HIGH PERFORMING



Lub tsev kawm ntawv qhia tau ntawv zoo heev rau cov tub ntxhais kawm. Ntawm 2 mus rau 3 lub xyoo dhau los no, lub tsev kawm ntawv:

- Cov proficiency scores siab tshaj lwm cov tsev kawm ntawv nyob rau hauv xeev Minnesota
- Cov growth scores siab tshaj 25% ntawm cov tsev kawm ntawv nyob rau hauv lub nroog Minneapolis

Academic rating:  
HIGH POTENTIAL



Lub tsev kawm ntawv qhia tau ntawv zoo kawg rau cov tub ntxhais kawm. Ntawm 2 mus rau 3 lub xyoo dhau los no, lub tsev kawm ntawv:

- Cov proficiency scores siab tshaj MPS district qhov scores nruab nrab
- Cov growth scores siab tshaj ib nrab ntawm cov tsev kawm ntawv nyob rau hauv xeev Minnesota

Academic rating:  
MID PERFORMING



Lub tsev kawm ntawv qhia tau nruab nrab xwb, lawv cov scores tsis siab tsis qism thiab tsis zoo sib xws ib xyoo dhau ib xyoo. Cov scores tsis siab tsis qis qhia tau hais tias qee lub tsev kawm ntawv kuj qhia tsis tau zoo, qee lub kuj qhia tau zoo tiam sis cov txheej txheem hov tsis tau zoo txaus pab kom cov me nyuam txawj kiag thiab.

Academic rating:  
LOW PERFORMING



Lub tsev kawm ntawv qhia tsis tau zoo rau cov me nyuam, thiab lawv cov txheej txheem tsis zoo. Ntawm 2 mus rau 3 lub xyoo dhau los no, lub tsev kawm ntawv:

- Cov MCA proficiency scores qis tshaj 25% ntawm cov tsev kawm ntawv nyob rau hauv lub nroog Minneapolis
- Cov MCA growth scores qis tshaj 25% ntawm cov tsev kawm ntawv nyob rau hauv lub nroog Minneapolis

Academic rating:  
OTHER



- Tsis muaj ntaub ntawv txaus – tsev kawm ntawv tsis muaj ntaub ntawv txaus rau peb coj los ntsuam xyuas seb lawv qhia ntawv puas tau zoo
- Tsev kawm ntawv qhib tshiab – tsev kawm ntawv nyuam qhuav qhib tsis tau muaj 3 lub xyoo ces tsis muaj ntaub ntawv txaus rau peb ntsuam xyuas
- Tsev kawm ntawv Independent – cov tsev kawm ntawv uas lawv ua lawv tus tswv, lawv tsis raug khoo los ntawm tsoom fwm kom muab qhov MCA rau lawv cov tub ntxhais kawm ntawv xeev ces qee zaus lawv tsis muaj ntaub ntawv txaus rau peb coj los ntsuam xyuas

# Nyeem lub tsev kawm ntawv cov ntaub ntawv



## F Ntsuam xyuas kev kawm ntawv

Nyob rau hauv cov tsev kawm ntawv theem siab (qib 9-12), yog tias 40% ntawm cov tub ntxhais kawm ntawv tsis xeem MCA, ces lub tsev kawm ntawv siv cov tub ntxhais cov ACT score los ntsuam xyuas lawv txoj kev kawm. ACT yog ib daim ntawv xeem uas ntsuam xyuas seb cov me nyuam puas npaj tau mus kawm ntawv qib siab. Me nyuam xeem daim ACT thaum lawv nyob qib 11 los sis qib 12. Feem ntau cov tsev kawm ntawv qib siab suav hais tias score 21 yog qhov score nruab nrab uas ntsuam xyuas kev npaj mus kawm ntawv qib siab.



*Tsum yim pab ntxiv:*

*Thaum yus saib cov scores thiab ntaub ntawv no, nms yeej nyuaj rau yus nhag siab seb qhov score tmg thiaj yog qhov tseem ceeb. Tiam sis, cov MCA score ntawm 3 lub xyoo yuav pab rau koj pib nhag siab me ntsis.*

## G Demographics


ntaub ntawv txog pes tsawg tus me nyuam sau npe tuaj kawm ntawv, me nyuam haiv neeg thiab nqaij tawv, thiab ntaub ntawv txog cov xib fwb qhia ntawv uas peb muaj hauv phau ntawv no yog tau los ntawm xyoo 2015-16, ces cov ntaub ntawv yuav txawv mes ntsis rau xyoo kawm ntawv tshiab no.

- Me nyuam kawm ntawv haiv neeg, nqaij tawv, thiab kab lig kev cai - Lub xeev Minnesota muaj 5 hom haiv neeg rau koj sau tias seb koj tsev neeg los sis tus me nyuam yog haiv neeg dab tsis (peb tau cov ntauv ntawv no los ntawm cov ntaub ntawv uas cov niam thiab txiv qhia thaum uas nej tuaj sau cov me nyuam npe kawm ntawv)
- FRL rate - ntsuam xyuas tias muaj pes tsawg tus me nyuam tau noj mov dawb thiab luv nqi (tau los ntawm cov ntaub ntawv noj mov uas cov niam txiv sau thaum me nyuam pib kawm ntawv)
- Puas tsawg tus xib fwb qhia ntawv uas tsis yog neeg tawv dawb (cov ntauv ntawv no tsuas suav cov xib fwb qhia ntawv xwb, tsis tau suav txog txhua txhua tus neeg ua hawj lawm hauv lub tsev kawm ntawv)

*Tsum yim pab ntxiv:*

*Muaj ntau tsev neeg nyiam cov tsev kamm ntawv uas muaj ntau hom haiv neeg kamm thiab qhia ntawv. Thaum koj mus ncig saib lub tsev kamm ntawv, nco ntsoov nug seb muaj pes tsawg tus xib fwb qhia ntawv thiab me nyuam kamm ntawv uas tsis yog neeg tawv dawb.*

www.



@2016 Copyright. All Rights Reserved. Hiawatha Academies. Photos by Joe Dickie, Big World Films.

Yog xav paub ntixiv, mus nyeem ntawm [rc.education.state.mn.us](http://rc.education.state.mn.us). Qhov MDE website no muaj ntau yam kev pab rau koj kawm txog cov tsev kawm ntawv nyob rau hauv xeev Minnesota xws li daim “Minnesota Report Card” - ntaub ntawv txog cov tsev kawm ntawv thiab ntaub ntawv ntsuam xyuas kev kawm. Qhov website no zoo rau cov niam txiv mus nyeem kom paub ntixiv txog yam zoo txog lub tsev kawm ntawv.

Yog koj muaj lus nug ntixiv txog phau ntawv Minneapolis School Finder, sau email tuaj rau peb ntawm [info@MinneapolisSchoolFinder.org](mailto:info@MinneapolisSchoolFinder.org) los sis hu rau peb ntawm **(612) 643-1305**.